


ҚӘМЕЛ ЖУНІСТЕГІ

СОНҒЫ ДЫЗ



КӘМЕЛ ЖУНІСТЕГІ

СОНҒЫ
Дүйнәз

Роман



“АУДАРМА” баспасы

Астана-2006

ББК 84 Қаз 7-44

Ж 88

ҚАЗАҚСТАН РЕСПУБЛИКАСЫ
МӘДЕНИЕТ ЖӨНІ АКПАРАТ МИНИСТРЛІГІНІҢ
БАҒДАРЛАМАСЫ БОЙЫНША ШЫҒАРЫЛДЫ

Кәмел Жұністегі.

Соңғы абыз. Роман.

Астана: Аударма, 2006. – 408 бет.

ISBN 9965-18-179-9

Қарымды қаламгер Кәмел Жұністегінің шығармашылығымен оқырмандар кеңінен таныс. Оның қаламынан шыққан “Дос көңілі”, “Коне хикая”, “Кокссы” атты кітаптарын, “Құба белдер” трилогиясын және “Көкセンгірдің тасында” повестер мен әңгімелер жинағын жүртшылық жылы қабылдаған болатын. Жазушының “Соңғы абыз” романы әдебиетіміздегі зар заман дең аталиған әйгілі кезеңдің ірі оқілдерінің бірі – Шортанбай ақын өмірі мен сол тұстағы казак елінің жай-күйін көрсетуге арналған. Жырау өмірін жан-жақты зерттеген жазушы оз романында сол кезеңдегі қазак ауылдарының тұрмыс-тіршілігін, ел ішінің жай-жағдайын, заман тынысын айқын танытуға тырысады.

Роман тілі тартымды, шүрайлы.

Ж 4702250201-184
00 (05)-06

ББК 84 Қаз 7-44

ISBN 9965-18-179-9

© Жұністегі К., 2006.

© “Аударма” баспасы, 2006.

Ұзын аққан Сарысұды,
Өзің жайлап, жағала.
Жүйрік пеп жорғаңды,
Өзің мініп бағала.

Шортанбай жырау.

ТЫМЫРСЫҚ ШАҚ

Сәскеге таянған шақ. Күн шыға төгіп өткен жаңбыр. іле басталған шілденің ыстығымен бірге бу болып көтеріліп. көз жетер жер мұнартып, алыстан қарандаганды бірде өзіне сініріп, бірде айқындалап, бұлдыратып тұр. Қозы көш жердегі тесік тас жаңа ғана жуғандай жалтырап, көздін жауын алған. Тессік тастан бері құлаған жігіттің әндектен дауысы талып естіледі. Қармыс өзеніне жақынырак конған ауылға кешеден бері қонақ болып жатқандардың слу шақты атын жылқыға қостырып жіберіп, шашау шықпауын қатты тапсырған Қошқінбай бидің айтқанын екі етпей, түні бойы көз ілмей қадағалаған балаң жігіттің ауылға бет алғаны да осы еді. Қыр асып келе жатқан топ салт аттыны көріп. шоқыта желдіріп, ауылға таяй сумаң қаққан аяңға басып. ортадағы ақбоз үйге тірсей ат басын тартты.

— Келс жатыр, — деді аттаки түссе берес.

Жігіттің хабары сол сөт Қошқінбайға жеткізілген. Топ аттының дүбірі таяй берес ол да шапанын желбегей жамылдып сыртқа шықты. Қарасы торт-бес адамның алдында ауыздығын сүзс тартқан кок шағыр жорғаға мінгсен Шортанбай жырау, оған ілесе Дүйсенбай мен Жанғұтты, шымқай кара аттың үстіндегі керній Қара билерді жазбай таныды. Кеше таңсәріде осы ауылға Сыздық төре жігіттермен келген соң бір кездे Кенесары ханмен дәмдес болған Бес атаниң жақсыларына Қошқінбай хабар жеткізді. Алысыракта, Жәмшінің бойында жатқан Байсейіт биден басқасының бас қоса жеткені де осы екен.

Шортекеннің көзі ауылдан сәл бөлекстеу тігілген бес үйге түсті. Шеткі үйлер коңырқай көрінгенімен, ортадағы алты

канат ақ орда сөнімен екен. Аттан түсс төс қауыштырған бұлар Қөшкінбайдың бастауымен ақ ордаға беттеген. Ордадан шықкан сұнғак бойлы, жауырынды жігіт сәл күлімсірй қарсы алса да жүзінде ызгар да бар секілді көрінді.

- Ассалаумагалейкүм, - үлкендерге қол созған Сыздықтың алақаны да құректей екен. Бір адамның биігі де, денелісі де саналатын Дүйсенбай би қауышқан Сыздықтың қолтығына сыйып кетті. Қонақтарға айнала тігілген үйлерден шықкан Сыздықтың жігіттері де жүгіре басып, сәлем беріп жатқан. Осы жұрт бірін-бірі біле бермесе де арадағы бір жылы сезім, сағыныш бәрін баурап алған. Кеше Кене ханның көзін көрген кей үлкеннің көзіне жас іркілгсн.

Көшкінбай би қонағына тігілген ордасының ішін де жайнатып қойыпты. Келді-кетті бір қонақ дейтін емес, “жат бауырым, ел өзіндікі, ұзагынан бол” десенді емеурінімен танытқандай. Келгендер жас та болса Сыздыққа бірден орын берісті. Төрснің оң жағына Шортанбай жырау, онан соң Жанғұтты, Дүйсенбай, Қаралар жайғасқан. Екі жігіт қолдасып көтеріп кірген месті күмпілдете пісіп, көбігі атқылаған қымызды шарайқтарға толтыра құйып, қонақтарға ұсынған. Шарайқтағы қымыздан ауыз тиіп қана отырған Шортекенің көзі Сыздыққа еріксіз түсе берді. Төре де аяқ толы қымызды орталап қана, келгендерге оймен көз тастап отыр екен. Кең маңдайы, сұсты қабағымен от шашқан көзі Кенсары ханнан аумайды екен деп түйді Шортекен. Балуан денслі жігіттің ойлы шырайынан талай сырды ішке бүккен қалпында, кесіп айттар шешендігін де үққандай болды. Экессі Кене хан елі үшін арпаласып жүріп дүниеден өтсе де, оның ұлы Сыздықтың әке ісін жалғап, қол бастап, аузы түкті көпірмен талмай шайқасқанын осы жұрт тегіс біледі. Шау тартып қалған шақтарында, кешегі Кене ханның тұсындағыдай атқа мінбесс де, осы отырған Бес атаниң талай жасын Түркістан, Шымкент жақтағы шайқастарда Сыздыққа көмек ретіндес жіберген. Мынадай батыр ұлы бар қазақта не арман? Әттең, жаңбырдай жауған мылтық оғына не шара? Әйтпесе, кешегі бір заманда өткен Баба түкті шашты Әзиздің үрпағы Едіге батырдай орыстың орманын кесіп өтіп, Мәсксуіне тізе бүктірмес пе еді. Көк көз, сары ауыз

мұжыққа Сары-Арқаны бастырып, Алатау, Қаратаяға астырап ма сіді.

– Алыңыз, Шортеке, қымызы ішпей отырсыз ғой, – деп қалды ауыл иссі Қөшкінбай.

Орталап қалған аяғын сәл шайқап, ойланып қалған жырау:

Қайран менің Сары-Аркам
Қымызыны ішсем, бал дедім,
Бұлағын ішпей шолдедім
Мына көпір жеріңмен,
Балаң менен жылқынды
Аузына бір алған соң,
Алмайды деген неменс?
Ұзын аққан Сарысуды
Өзің жайлап жағала.
Жүйрігің мен жорғанды,
Өзің мініп бағала.
Баланды алар солдатқа
Міне алмасаң жалды атқа.
Қатын-бала қамы үшін,
Қарсы шап та, мылтық қүш
Құр жабырқап жүдеме,
Нокталы басқа бір олім
Өлмей де пенде жүре ме, --

деп ұзақ сілтеп барып тоқтаған. Осы сәтте табалдырық аттаған Байсейіт би:

– Қайран менің Ксес ағам... Ксес ағамның көзі қайдасын? – деп дауыстай келіп Сыздықты құшақтаған. Жұрт іштей тынып отыр екен, бәрі де дауыс қойысқан. Ел ағаларының іштей егілуін таныған Сыздықтың да қақпақтай жауырыны да селк-селк етті. Әркім көзін сұрткен, үнсіз жаутаңдақсан тыныштықты Дүйсенбай бидің:

– Өтті ғой дәурен. Қундей күркіреп, наизағайдай жарқылдаған шақты Саржанмен де, Кене ханмени де бірге өткіздік. Ендігі отырысымыз мынау, – деп күрсінгені бұзды.

Жанғұтты шақшасын етігінің өкшесіне қағып, тығынын ашты да, сәл искеп, қолын созған Кара биге тастай салды.

– Амал нешік? Жазу осылай шығар. Келер үрпақ елді қорғамады деп бізді сөкпес. Жан алдық, жан бердік. Орыс орман боп өсіпті. Қазақтың етек-женін біртіндеп қырқыпты. Соны да сезбеппіз, – Жанғұтты осыны айтып. Сыздыққа тікс қарады.

– Болжамыңыз дұрыс-ау, – деп қалды төре.

– Дәл айтасыздар. Айналдырған жау алмай қоймастың кебін кидік қой. Кәпір қазактың Сарытауын алғанда ойланбадық, Еділ бойындағы ноғайлыш жұрты бір рулас тайпамыз еді, бір қыста оларды қырып салғанда қауіпті ескермедік, Бағдат пен Мысырдан сәні мен салтанаты кем емес Сарайшықты талқандап жатқанда өзара қырқысып жүрдік. Ақыры келер үрпактың көз жасына қалдық. – Шортекенің қаздай қаңқылдаған ашық үні кімге де болса да құлақ түргізген. Сыздық жырауға бажайлай қарады. Жыраудың азаттықты аңсаған даусы Арқадан асып, Жетісу, Қаратая жағына сркін жетіп жатқан “Жақынға жақын қас болып, шіл боғындей тозбайық” деген сөз Сыздықтың көнілінде жатталып қалған. Кешегі өткен дәуренде Кенесарыны орта жүздің ханы етіп көтергенде де, онан соң Ұлытауда оны бар қазақтың ұлы ханы деп танығанда да Шортанбай жырау ішінде болды деуші еді. Естуінше жырау жас шағында Қаратаудағы Қарнақ медресесін тәмамдап, онан Бұқарда білімін жалғастырған деуші еді. Жыраудың мына сөз салтасы терең білімнің, тарихтан мол хабары бар адамның қисыны фой. Дауысы қандай ашық, саңқылдаған үні де тартымды.

– Несін айтасын, Шортеке, қараусыз қалған қой болдық. Бәріміз алыста емес мына Қарқаралыдағы көк мылтықтылар. Ойына не келсе соны істейді. Бір-бірімізге жау қылып салып отырғанда осылар, – деп Қара би күрсінді.

– Біреулер ұлыққа жаққысы келіп жалпаңдайды. Сонысымен елге тізесін батырғысы келеді. Сондайлардың сазайын тарттырғысы келгендерді ұлықтың қолымен жазалауды көксеген де солар. Ана Бәденің Серігінің сонынан шам алып түсіп жүргендер елді ондыра ма?! – Байсейіт бидің түкті қабағы осы сөзді айтқанда едірейс түскен.

– Оу, ағайын, елдің мұңын айта беріп мына Сыздықтың еңсесін баспайық. Халықтың басына түскен таршылық қой бүл да. Не көрмеген елміз, бұдан да шығармыз. Шығар жолды іздейтін де жас буын осылар болар, – деп Көшкінбай би өрбіп бара жатқан іштегі қыжылдың алдын тосқан.

– Ағыбай батыр келе алмады? – деп Қара би сөздің бстін аударды.

– Тым қашықта фой, сонау Бетпактың шетінде, – Дүйсенбай қолындағы шарайқты төңкерді. Тай атқан шұнақ деген де жердің шұрайлысы екен. Бергі жағы –

сылдырап акқан Сарыбұлақ, ар жағы – қумедисен дала. Тірліктің барын жортқан киік пен үшқан құсттан ғана білгендейсін.

– Батырдың келмегені де дұрыс, – деді Жанғұтты.

– Неге? – деп елең етті Қара.

– Осы жерге Сыздықтың келіп, біздің де табысын жатқанымызды оязға салпаңқұлактар жеткізген де шығар. Енді Ағыбай батыр жетсе, хан Кенснің жақтас-ізбасарлары топтасып жатыр, бұлік шығармақ екен деп бейбіт жатқан елге өскер шығармасына кім кепіл. Оның арты тағы қырғын гой.

– Мылтығын шошаңдатып мұжық шықса бізде қарап қалмаспсыз. Өздеріне онай десе, өскер шығарып көрсін. Байсейіт шапшаң сөйлеп, бойын тіктеп алған. Дүйсенбай айтары бардай тамағын кенеді де, жырауға қарады. Шортекен сөзге жол берген сыңай танытып, басын изеді.

– Кел, ауылымызды шабағойлап отырмасымыз белгілі. Нокталы басқа бір өлім, еркек кіндікті біз не тауқыметті де көтереміз. Аяусыз кәпірдің көк мылтығының ұнғышына бала-шағаны байлап бергеніміз жөн болар ма екен. Қаруы жок, құр қол халықпсыз. Бұл кәпір бескініс-бекініс салып ішімізге де бойлап кіріп кетті. Ең болмаса жау сыртта, ішіміз таза болса да әлі де алыса беруге болар еді.

– Сонда басымызды иіп, көтіне кіре береміз бе? – деп Байсейіт би Дүйсенбайға жалт қарады.

– Ежелгі дүшпан ел болмасы белгілі. Жаудың мақсаты – сенің байлығынды алып, өзінді мәңгі құл ету. Аңау жердің арғы бетіндегі жұртты мына ағылшын, франсоздан шыққандар қынадай қырып, жерін басып қалып жатыр. Бұлардың да мақсаты сол Жаудың жақсы-жаманы жок, бәрі бірдей. – Шортекен замандастарының жүзінс айнала қарады.

– Енді сонда не істейміз? – Қара би түңіле тіл қатты.

– Ашық айқаста жеңіліс таптық. Жеңілген жоқпсыз, мұсылман слі боп, қазак, қырғыз, өз ағаң – өзбек болып біріге алмадық. Кенесары хан да қапыда кетті. Оңтүстікті беремін деген орыстың сөзінс сеніп, ханның қанын төккен қырғыз да бүгін өкінүлі. Олар әлі бұл ісі үшін сан зар жылайды.

– Ә, солай-ау, ә, – десті отырғандар.

– Қапы кеткен екенбіз, сидігі жеңіс жолын басқаша іздеу керек. – Шортекен сөзін жалғай түсті, – жаумен жағаласудың тәсілін өзгерту керек.

— Жаңа ғана “ноқталы басқа бір өлім, өлмей де пәнде жүре ме” дегеніңіз қайда, — деп Байсейіт бажырая қарады.

— Жоқ, ол тап қазір жаумен жағаласа тұс деген емес, елдің, үрпақтың намысын қайрау. Менің ендігі мақсатым — жырыммен жұрттың көңілін ояту, келер-келер ұлы істерге жұртты үйиту, бүгінгі жауға мазақ болған халімізден халықты серпілту.

Жыраудың соңғы уәжі осы отырғандардың көңіліне қонғандай, арқаларынан әлдебір жүк түскендей серпілісіп, ентелеген қалыптарын бұзып, шалқайыса қалған. Қара би шақшаның тығынын ағытып, бір атым насыбайды срініс қыстырды да, иесіне қайтарды. Байсейіт би тақиясын шешіп, көлдей орамалымен мойны-басын сұртті. Азаттық шайқасы басылып, мұжықтың тізесі батқан қыр қазағы не халде екен, арман-мұңы немен астасып жатыр дегенді ойлаған Сыздық төре кеше Кенесарымен тізе қосқан мына төрт би мен жыраудың пікір қағысына еріксіз таңданған. Ендігі күніміз не болады деген жасқаншақтықты күтсе де, жеңілмеген рухты, қолайы келсе алыса түсер көкжал мінезді күтпеген. Әсіресе, Шортекеңнің жаумен жағаласудың ендігі тәсілін өзінше бажайлағаны өзі үшін де тосын, соны пікір. Дәурені өткен Тәуке, Абылай хан заманында билер қыиннан осылай қыстырып жол тапқан екен-ау деп түйді. Қазак слінің бірлігін де, билік нұсқасын да бір ғана жырау мен осы билер алдыңа жазып салып отыр емес пе.

— Кеше тұс ауа Саржан төбессіне барып қайттық, — деп Қөшкінбай әңгімені жаңа арнаға бұрды. — Саржанның қол бастаған шағында Кенесарының өзі де жас, ал мына Сыздық әлі бүл жалғанға келмеген еді ғой.

Шортекең Қасым ханның батыр ұлы Саржанның ордасын тіккен төбені есіне алды. Аласарақ шоқының батысы мен терістігін Бұғылының таулары қоршап жатса, құбыласы мен түстігін Тағылының биіктегі мен Ұстаның жалдары көмкерген. Шығысында Тесіктас жатыр. Табиғаттың өзі арнаған бекіністі жер. Жау қай жағынан болса да үрланып жете алмайды.

— Саржан төре ел ұстаган Есбай баймен дос еді-ау. Есекен өзі қайтыс боларда Саржан төбенің бергі алдындағы жотаға жерлеуін тапсырған скең, мазары да сол жерде тұр, — деп сөз жалғады Дүйсенбай би.

— Сол жерде Саржан батыр екі жылға жуық уақыт ордасын тігіш отырып, мына Қарқаралының бекініс салған орыс-казагына сан рет жортудыл-шайқас салды ғой. Осы Бессатаның атқа мінуге жараған еркек кіндіктісінің соған қатыспағаны жоқ. — Жанғұтты би осыным рас па дегендей айналасына қарады.

— Болды, болды ғой.

— Талай қызықты да, шыжықты да көргенбіз.

— Мына, Бәжен, — деп Қара би төрт бидің жасы үлкені Байсейітке қарады, бір жылы қолында қылышы бар мұжықпен жекпе-жекке қалған. Бәженің қолында қақ сойыл. Қарап тұрған біздің жанымыз мұрынымыздың үшіна келді. Орыс ұмтылғанша Бәжен о немені сойылмен тобықтан соғып, аттан үшірып түсірді.

— Е, сондай да болған екен-ау.

— Қазактың сойылына шыдар жау бар ма? — деп отырғандар дуылдасып, серпілісіп қалды. — Әлі де қақ сойылымыз қолымыздан түскен жоқ.

Шілденің аптабы үй ішіне сінді сінгендей қапырықтана бастаған. Үй иесінің иек қағуымен бозбала жігіт айнала іргені түріп еді, ауық-ауық соққан самал жел тынысты кеңейтіп сала берді. Арда емген тайды құлағынан басып сүйреп әкслеген жігіттер бата тіледі. Билер өзара иек қағысты да, жырауға қарады.

Шортекен осы Бесата елінің пірі іспеттес. Аюлының сыртына Жанғұтты салған мешіттің алғаш имамы болып, осы елдің бүгінгі кәрі-жасының талайы тіл сындырып, сауатын ашқан. Ел жақсылары пайғамбар тұқымы деп сыйлап, жыраудың алдынан өткен емес. Жырау да бас изеген соң:

— Шырағым, жас та болсаң жол сенікі. Сен кешегі Кенс ағаның орнындасың. Бата беру — сенің жолың, — деп Сыздықтан бата тілескен.

Бұғылының бүйгіне бұлт ілініп қалыпты. Әзірше шайдай ашық аспаннан өзгешелік күтер жай жоқ сияқты. Тек үй маңындағы қарлығаш қана жиі шиқылдап, мазасыздана берген.

— Мына ыстықтың арты нөсер болады-ау, — деді Көшкінбай.

— Иә, оныңыз рас. Кесе де тап осындағ аптап болып еді, таң ата нөсер құйып өтті ғой, — деп Сыздық шөкімдей

бұлтты иегімен мензеді. – Ағаларым тіккен орданың орнын көріп жүргенде тап осындағанда бұлт биікке қонып еді.

– А, барып кайттың ба?

– Иә, қалай екен? Түйгенің нс? – деген сауалдар да беріліп қалған.

– Қабырға қалап, қамал салмапты. – Сыздық асықпай баппен сөз бастады. – Қамал салудың дәурені өткен түс қой. Қай қабырғаны болса да зенбіректің добы ойып түсіріп, талқан етстінін, бос әүрсешілік, текке төккен тер боларын түсінгендей екен.

– Ендеше орыс Қарқаралыға неге бекініс салды, – деп қалды Қара би.

– Орыстың амалы түгел. Қолында отты қаруы жоқ, сойыл-шоқпармен қазақ қолының қамалды сабап қирата алмайтының біледі. Ал, мал-мұлкі мен қатын-қалашын сақтау үшін осындаған бекініс те олар үшін жетеді.

– Солай екен-ау, – деді Байсейіт би.

– Қамал салмаса да орныкты орын тепкен екен. Орда мен оған жақын тіккен үйлердің айналасын тізеден ор қазып, қоршап тастапты. Орданың бір жерде ұзак тұрғанының бслгісі болар, орны күні-бүтін әлі тықырлау да, кереге ізімен үй орнын анық көрсетіп дөңгеленес шөп шығыты.

– Қасиетті Ордам-ай, – деп қалды Қара би.

– Сан мәслихат құрған жер еді. – Жанғұтты бидің даусы тебіренес шықты. – Тап кешегідей еді-ау бәрі, Әмір Әкінішпен өте берседі де. Жалған деп бұрынғылар дүрыс айтқан.

– Сол жерден мынаны тауып алдым. – Сыздық төре уысын жазып, жебенің үшын көрсетті. – Темірі асыл болар, тат баспалты.

– Бұл бір жақсы ырым екен. – Шортекең қозғалақтап үн кости. – Шырағым, Сыздық, мына жебенің үшын ырымдап сақтаған жөн екен. Орданың орнынан, жау алды деген мекеннен, жауға атар оғымыз табылып жатса, біздің жеңілмегеніміз. Аруақ шығар осыны тағы бізге ұсынып отырған. Ісіміздің түбі қайыр болар. Сақта мұны.

Естуімше анау алыс батыстың жұрты ата-бабасынан қалған не затты болса да қастерлеп, келесі буынға өткізіп отыратын көрінеді.

Төс қалтасына жебенің үшын салып жатқан Сыздық жырауға бар денесімен бұрыла қараған. Сөзімен де, ісімен

дс исі қазақтың жоғын жоқтаған жырау тағы бір қырымен көрінгендей. Бұл күнге дейінгі өмірі аттың жалы, найзаның үшімен өлшеніп жүрген Сыздық Ауған асып, Қытай барса да күнбатыс жүрттың көрмесін. Ол жүрттың өмірі мен өнері туралы естігсінімен, там-тұмдаң оқығаны аздық етстінін іштей мойындайтын.

– Жырау, сіз батыс деп қалдыңыз-ау – деп сұраулы жүзін бастанды.

– Мен де ол жүртқа бойлап кіре алмағанның бірімін. Бұқар оқуын тәмамдаң келген соң мына Жәксен, – деп Шортекең Жанғұтты биге мойын бұрды, – мешіт ашып, бірер жыл мешітте имамдық стуғе тұра келді.

– Солай ме еді? – деп қалды Сыздық төре.

– Шортекеңнің сөзі рас. Бірақ, білгендің қанағат тұтпады ма, ішкі Ресей жаққа кеткен. Ол жактан бір қап қаріп орыс кітап әкелгені де бар еді, – деп Жанғұтты сөзді қостады.

– Қай алысқа барды дейсін мені. Қаражат та, тіл білмеу де қолбайлау болып, өзелі Орынборда, сонан кейін Уфа, Қазан шаһарларында біраз уақыт өткіздім. Сол жакта әлемнен хабары бар жақсы-жайсанған дәм-тұз бөлісіп, қол жеткен кітапті оқып, жат жүрттың тілін де үйренуге тұра келген. – Шортекең “барым осы-ак” дегендей екі алақанын жайды.

– Фасырдан аса қалмақпен жағаласып, енді тыныс ала бергенде орыспен сабаласып жүріп қазақ ордасы білім мен өнерден кемшін қалғанын енді мойында отырмыз. Қара сөзге жүйрікпіз, бірақ мына Шортекең білген білімді осы отырған төртсуміз де білмейміз. Енді талпынғандаймыз. – Жанғұтты жеткеніміз осы дегендей ол да алақанын жайды.

– Соған қол жетсе, – деп Қара би қаупін айтты. – Барымта, сырымта, ағайынның араздығы ұлғайып барады. Бас салып, біреудің малын қуып кесту өнер боп тұрғандай.

– Е, мына тессік тастың алдындағы Майшораның мазары соның күесі емес пе? – Бәжен Нұра өзені жағын қолымен нұскады. – Тападай тал түстес бірсүдің ак-адал малын жау тигендей куған қалмақ емес, өз ағайының.

– Япир-ай, дессейші. – Қара би осында да бар дегендей Сыздыққа қарап қойды.

– Керней атаниң байы екен. Алашының сонына түссер ұлы болмай ұзатылайын деп отырған қызы ерекше киініп барымташының сонына жалғыз түсіп берілті. Қару ұстап

көрмеген қыз бала емес пе, жолын тосқан қарақшының наизасына ілгіп, сол жерде қаза болған.

– Обал-ай десейші. Өлгенді тірілте алмай әке-шеше зар жылап қалды. Ел басына бұл айналада жок мазар ішіне отау салып, бейтін көтердік. Сорлы ата-анасы үміт еткен бессігін сол отаудың ішіне қойды. Осы ғой сидігінің өнері, – деп Қара би таусыла сөйлемді.

– “У ішсөн руыңмен” деген мәтел кейде озық, көбіне тозық, – деп қалды Дүйсенбай би. – Тозығы емей немене, кеше қазақтың намысын қорғап жүрген Саржанға да осы ел бір білместік жасаған. Әлде Саржанды мұқатқысы келген дүшпанның нұскауы ма, әлде пасық қеуделік пе, Саржанның жылқысынан осы елдін бір әумесері жылқы алғып қалмак боп түнде келіп тиіпті. Батырдың “қой” дегенін құлағына да ілменті. Сойыл сілтессіп қалғанда төрсінің ағашы басымдау тисе керек, әлгі неме сол жерде мерт болды.

– Ә, ондай оқиға болған. – Байсейіт би басын изеді.

– Kіci өлімі десіп шуылдастып қалды ғой. Тұзу-қисығы тексерілмей “төрені шауып аламыз” десіп біразы қоқаңдақсан. – Қара би қостай сөйлемді.

– Иә, мен онда Есбай ауылында едім. Соңғы сәтіне күә болдым, – деді Шортекен.

– Мен оқиғаның нағыз ішінде, Саржан ордасында едім, – деп Дүйсенбай би әңгімені жалғады. – Тұнделетіп біреулер болмаған істі болды деп, намыс қуғансып Бодық батырға барыпты. Бодықтың аттан түсіп, еңкейіп қалған шағы. Мәселенің анығына жетсі алмаған қарт батыр да атқа қонып, елендеген жұртқа ілесіп, осылай қарай беттеді емес пе. Ертеңгілік шақ еді. “Ойбай, жау келіп қалды. Орыс отряды” десіп Саржанның жанындағылар дүрлігісіп, атқа қонысып, жылжи соғысады ойлаған. Тысқа шыққан Саржан асықпады. Жорта шоқытып келс жатқандарға қарап:

– Бұл орыс қолы емес. Орыстар сап түзеп, лек-легімен шабады. Мынау өз ағайынымыз, неде болса тосып алайық, – деді.

Сайдың тасындаған болып тұра қалған Саржан қолы, бір-бірінен оза шауып, батырсынып келе жатқандардың есін жиғызды. Тасқа соғылып, кері шапшыған ағын судай алды іркіліп, ат басын тартып, артын тосқан. Қарсы келіп, тұрыса қалған екі жақтың бірінің алдында Саржан, екіншісінде Бодық.

“Не үшін?” дескен сшкім жок. “Жекпс-жек”, – десіп шұшу етеді.

Бодық пен Саржан қолдан бөлініп, сұрырылып ілгері шыға берді. Ханың басын хан алар, қардың басын қар алар деген ұстаным қазакта атам заманнан келе жатқан бұзылмас ұстаным. Ханың сыйлаған қазақ өуелгі кезекті хан тұқымына береді. Жасы егде тартса да Бодық та осы жолды ұстаған. Саржаның от қаруы болса да, қазақ ғұрпына аспай, садағын қолына алды. Мен көрген батыр өтс мерген еді. Не боларын күтіп, бескер қан төгілмесс екен деп дегбірі кеткен. Саржан төре садакты көтере берді де тартып жіберді. Зулаған жебенің қайда кеткенін де білмейміз. Көргеніміз аман-есен тұрған Бодық кана.

– Ө, төрем, – деп күркіреді Бодық. Енді ажалдыңды айта бер.

– Қорамсағында сау жебс қалса, ажалдың жеткені де, – деп Саржан төсін керіп тұра қалған.

Бодық батыр қираған жебелсерінің санына жетсе алмай тұрғанда Есбай мырза шауып келіп бітістірген де, басалқы соz айтқан. Сол сөзі көкейден кетер емес. “Бұркіт қартайса құзға құлап, аю алжыса тасқа шығып өледі десуші еді. Бодық батыр, сенің бұл ісінді қайсысына жатқызарымды білмей далмын. Жау жағадан алғанда бөрі етектен тартады деген де сөз бар. Абылай қазақ ордасын көтсрген еді, оның үрпағы Саржан төре бар казактың намысына шауып жүр. Сонда біздікі не? Оның жылқысына тигеніміз қазактың жауын қолдағанымыз ба? Жауға болысқандай болған бір әумессер өзіне ажал сұрап алған екен деп біздің осы дүрлігіп жүргеніміз қай дүрлігіс. Үлкен іске қолдау көрсетпей руру, онан қалды ауыл-ауыл боп өстіп малтамызды езіп жүрсек, біз бүтін ел боламыз ба, дегенді Есбай мырза.

– Сөз-ақ қой. Қатты тебірентген екен кария. – Қара би түрулі керегеден сыртқа үңілді.

– Бір жолға түсінген сияқты болдық. Бірақ қайтесін, өмір әр сәт сайын жаңа бір оқиғаны алдымызға тартады. Сонда тағы сүрініп, жақсы азаматтың жағасына жармасып жатамыз. Әлдебір ділмарсыған көк тата ұстанымы жок біраз жұртты айдал салады да, пысықсып отырады, – деп Шортекен көлденең ұстаған домбыраның жалғыз шегін жайғана шертті.

– Ұстанымы жок дейсіз бе? – деп Жанғұтты би сауалды жүзін бұрган.

– Солай демесеке амал жок. Бұзып барады, мына орыс, қазақтың өзін-өзі басқарған көне жолын. Бұрын мынау дұрыс, мынау бұрыс деген үғым әркімнің көңілінде сайрап тұратын. Ол ананың сүтімен, атаның тәрбиссімен бойға сіңіп, құнделікті өмірде қолданыс табатын. Ол жолды ел басы хандар, ел ағасы билер реттеп, бақылап отыратын. Онан қазір не қалды? Биге смес, орыстың закұнінс жүгінетін болдық. Басқа түгілі:

Қап, бәлем, – деп, – сені ме,
Зәкүн айтып катын тұр,
Қойнында жатқан еріне.
Зарланып тұrap енді ойсіл,
Қосылғам жок деп теніме.

– демесеке не лаж қалды.

– Япыр-ай дессиші, Шортекс, бұдан шығар не амал бар?

– Байссіт би денесі мұздағандай жауырынын күшитты.

– Амал қалмады фой. – Жанғұтты құрсінді. Бұрын өмірдің өлшемі ар мен үят болушы еді, сінді ақша мен мал болыпты. Бұрын жаным арымның садағасы десен, сінді арым ақшамның садағасы дейтін кезеңге келдік. Мұны сінді кім тоқтатар.

– Ақыр заман деген осы шығар. Адамзат бұлінсе, ақыр заман смей неменсө? Ішкергі Рессійден келген оқтау жүтқандай қакиған, сары ала шекпен киген ұлықтар қазақтың бүлінген ісін түзсізді дегенге итім сенбес, – деп Қара би қисая кетті.

– Сонда да осы жұрттың біразы соларға табынып, солардан әділдік іздесіп жүр фой. Бүгін бірсн-сарапдар солай стсе, бара-бара ауыл аймағынмен сөйтесін. Сондағы күнің не болады? Бір-бірімізді тындаудан, үлкенге күрмет, кішіге ізет білдіруден біржолата қалармыз. – Байссіт би көңіліндегі бар қаупін төгс салды.

Сыздық төре ел болашағы үшін қам жеген төрт би мен жыраудың сөзін естіп, іштей қуанған. Мынадай абыздары бар елді Ресей түгілі жесті басты жылан да жұтып жібере алмас. Жаулаушы дала мектебін қанша жоям деп тырысса да, дала жұрты бөрі мінез танытып, қасарысып, шығар жол іздең, жанталасатындей. Сыздықтың ойын Шортанбай жыраудың:

Жанадарал болды ұлығың,
Майыр болды сыйынғаның,
Айырылмайтын дерт болды,
Кедейге қылған қорлығың.
Көпірді көрдің піріндей,
Тілмашты кордің женгендей,
Дуанды корлің үйіндей,
Абактың түр қасыңда,
Қазылған кара коріндей! –

дегені бөліп жіберді.

Сыздық төре жанды жерінен бірсу сабаумсн салып өткендей селк ете қалды. Не деп кетті жырау? Майыр болды сыйынғаның деді ме? Бір жаратушы құш, бір Алладан басқаға мойынсұнбайтын жұрт тез-ақ илсіп қалғаны ма? Көңілі сенгісі келмейді. Аттың жалында өсіп, жемсін жарысып ғұмыр кешестін халықты айтқанына көніп, айдағанына жүрестін ету үшін бейшара халғе жеткізу керек қой. Әкесі Кенесары хан бірде:

– Мына дүшпанның таппайтын айласы жоқ. Зұлымдық жасау үшін зұлымдықты ойлап табатын кенсе үстап отыр. Онысын залым ғалымдармен толтырыпты деп естімін. Қазақ сияқты ержүрек, дүниес жаралғаннан бері ешкімге бағынып көрмеген халықты басып үстау үшін әуслі оны кедейлендіру керек дейтін көрінеді. Мыңғыраған мал айдаған қазақты кедей ету дс оцай емес. Қазақтын мәнгі тұсыраған даласы аман болса, халқынан қайырым кетпессе оны қалай кедей стерсін. Бұл біздің ақылымызға сыймайды. Бірақ, мына дүшпан соның да айласын таппақ екен, – деген.

– Онысы несі? – деп түршіккен мұндай кесапатты естіген хан маңайындағылар.

– Бөтен сліді жаулагап алған біздің бабаларымыз сол слідің өмір сүру салтына, шаруашылығына тиіспеген. Алымынғана алдық қой. Мына орыс жұрты бірімен-бірі атысып-шабысқан бөлшек-бөлшек сл екен. Солардың басын қосыптыз. Ел болсын деген тілек шығар. Күшік асырап ит еттім, ол балтырымды қанаттының керін бүгін көріп жүрміз.

– Апырай дессейші, – дескен хан сөзінс үйыған жұрт.

– Біз жақсылық жасасақ, бұлар біздің тақыр кедей етуді ойластыратын көрінеді. Оның айласын өздерінше бар қазақты отырықшы ету деп есептеп отыр екен. Мына салын

жатқан бекіністері мал баққан қазақтың көшін өткізбеу. Сөйтіп шұрайлы жайылымсыз қалдырып, жұтқа ұшыратып, елдің малын қыру. Міне, ұстанған тәсілі. Онысы біз тірі тұрсақ бола қоймас, – деп еді ғой әкесі.

– Қайда барсан Қорқыттың көрі болып бара жатқандай.
– Қара би бері қарай аунап түсіп, іргеден жұлып алған бір түп жусанды құшырлана иіскеді. – Қазақтың баласы саған да зар боп қалады ма деп корқам.

Жыраудың жүргегі шым етті. Сонау бір кездегі оқиға көз алдынан көлбендең өте берген. Кенесары хан бастаған алапат айқас женіліс тауып, жат жұрттықтардың халыкты дірдек қактырган шағы. Шортекен ел ішінде байыз тауып отыра алмады. Бір шеті бетпаққа ұласып жатқан, керек болса наразылығы бар бұл жақтың жұрты күмедин далаға сініп, таптырмай кетуге мүмкіншілігі мол, Қарқаралы ояздығының қазағына осынша зорлық жасап жатқанда Ресей жерінс бір табан жақын Көкше мен Қызылжар маңындағы елдің күні не болды деп іштей уайымдаған. Қөнілге кірген бұл ой ақыры жол шектірді.

Жол жүрудің азабы да бастан асты. Исі қазаққа өз жеріндес емін-еркін жүргуге тыйым салып тастағандай. Қайда барсан, алдынан шошандап шыға келген салтты казак-орыс.

– Кімсің? Неғып жүрсің? – деп дігірлеп, бастырап емес.

Шетінен едірейген мұрт койып, “ә” дегеннен аузынан боқтығын бұркыратқан немелердің бір қолы қылышында болса, екіншісі ішіне сым салып өрген қамшыда. Алдында маймандасаң жоныннан баспа тіліп алатындей төнген. Енді құл болдындар деп үқтырғаны ғой. Жырау қайсымен кездессе де жасқанған емес. Башқұр, татар жерін арапал жүргенде үйренген осылардың тілі де көдеге сан жараган. Өзі орысша сөйлеп әрі сауда мәселесімен жүрмін дегеннен кейін үстімізден арыз айдар дей ме, әуелдегі одырандағандары басылып қалатын. Мұжықтың жыны басылғандағы түрі қызық екен, таяқ жеген иттей жұндері жығылып, оралымға зорға келетін еңгезердей аттарын “но, но” десіп бұрып, көтеншектері үзілердей қокандап, артымен ерді түйгіштеп желе жөнелетін.

– Мыналар кайтеді? – деп таңғалған атқосшы бозбала Әбеу.

– Несін айтасың?

– Біздің ауылға орыс келгенде Тағылының бытқылына сініп көтіп ем, тірі орысты көргенім осы. Епстейсіз бірдеме гой оздері, “қалай жәніліп” қалдық деп тұрған.

– Аргы жақтары мықты. Ресейдің қаласы коп. Онда шет елдің нұсқасымен зауыт салынған. Біз кенжелеп қалғанда, олар дамып өсіп кетті. Үакыттан үтылдық қой, – деді Шортекең Әбесудің сауалын айттырмай танып.

– Қазақ атпен желгенде де, шапқанда да шалқайынқырап отыруши еді, өзінс де, атка да жайлы. Көтеншектеріне шоқ басқандай шоқандалап отыратыны, тіпті, ерсі, – деп Әбесу ішек-сілесі қата күлді.

Көкшенің көз жасында мөлдіреген сексен колінен өтіп бара жатып жырау сан толқыды. Әнс, ана Бурабай көлі. Қасым ханының ақбұрасы шоккен деген тамаша ақызды естімеген адам баласы жоқ. Аңыз осы көлдің киесі Ақбура екен дейтін. Бураны сл атам заманнан касиеттеп келсе керек. Әлде азғыру, әлде тағдырдың жазуы ма, сол ақбураны Қасым хан атқан екен деседі. Көлдің киесі ақбура боздап барып, шоккен екен, сол жерде тас бейнесіне түсіп, қатып қалған деседі. Қасым хан да болған іске катты өкінс керек. Әттең, дүнис...

– Иә, әттең, дүнис... Осының айтып өкінбесген қазақ жоқ шығар. Абылай ханының ер үрпағы Қасымның осыдан кейін жолы болмапты дейді аңыз. Қазақ мемлекестінің шаңырагын құлатпай үстап қалуға жаңын салған Қасым хан осыдан кейін дүшпан қолынан қаза болған. Оның қазасын сл “ақбураның” киесі үрды деп түсінетін. Ел “әттең, әттең” деседі. Елдің үғымында Қасым хан тірі болса, киеге үрынбаса, мына көзі көк былшық сары жерімізді баспас еді деген өкініш жатады.

– Жазмыш қой, – деседі үлкендер.

– Қолдан беріппіз, – дейді қыжылы басым жастар. Кегімді алар күн туар ма?!

Кеш батып бара жатқан. Үйірілген ымыртпен бірге Көкшенің қарағайлары да үзарып, тұннің тұнегін тірдей қалғандай. Алғаш жымың еткен жұлдыз серейген-серейген қарағайлардың басына қонып алып, еркес назбен ән шырқап жіберердей еді. Кешкі салқын бойын алған жырау ат үстінде шапанының етегін қымтана түсіп, бағдар осы болар деп аяң-бұлқілге алған. Кенет:

– Тоқта! Кімсің? – деген дауыс тап ат тізгінің алдынан шықты.

– Біз ғой, біз.

Жөнін білген сақшы жігіт жол нұсқады. Кенесары ханның бүл күнгі тұрағы кейін өзінің атымен аталған үңгірдің маңында екен. Үңгірге жақын жерге ордасын тігіп қойса да ханның өзі қараңғы түнде от жақтырып, далада тыныстап отыр. Жырау атының шылбырын бір жігітке ұстата салып, ханға сәлем берді. Кенесары ауыл-аймак жайын сұрады да онан арыға бармай, отқа үніліп, қалың ойға батқан. Сәлден соң мұздаған бойы жылынған жырау айналасына енді ғана байыппен қарады. От жаққан жігіттен басқа ханның жаңында ешкім жоқ. От жалыны лап етіп көтерілгенде, үнірейген үңгірдің аузы арандай ашылып, жалт етіп тасқа түскен жарықты жұтып жібергендей көрінді. Құдды, қазақ ертегілерінде айтылатын жеті басты айдаһар. Лап етті жалын, үңгір жарықпен бірге түскен адам көленкессін қылғып салып, тағы аузын үнірейтті.

– Тақсыр, мына жерден былайырақ отырсаныз қайтеді,
– деді денесі тітіркенген Шортекен.

Хан артына бұрылып қарады, жалын мен үңгірдің ойынын бір сәт қарап отырды да, мырс етті.

– Өмір мен ажалдың елесіндій екен. Біздің бе, әлде тұтас халқымның ба, бүгінгі күндеңі тағдырдың талайына түскен шағын көргендейсің. Ісіміз адад бір Алла қолдар, жазмыштан озмыш жоқ десуші едіңдер ғой, пайғамбар үрпағы Қожеке, – деп жыраудың түпкі ата-бабасын да еске алады.

Хан ас ішіп, асықпай қолын сұртіп, жырауға ерекше ілтипатпен қарап отырып:

– Дүшпанмен тірессіп жүргенде рухымызды көтерстін бір жырды күтуліміз, – деген.

Шортекен бүктеме домбырасын қабынан шығарып, аздал күйледі де “Зарқұм” соғысын бастап кеткен. От басында екеуі ғана екен. Домбыраның үні шыға қараңғылықтан суырылып шығып, айналасы сыйдырысыз жайғасқандарға толды. Жұздері тотыққан сарбаздар жырды үнсіз тындаған. Тотыққан жұздерде не қындыққа да тәуекел еткен қайсар мінез жатыр. Жасанду бір жігіт жасамыстау сарбазға арқасын сүйеп, сонау көктегі жұлдызға еміне үніле қалыпты. Сүйген жарын сағына ма, әлде ауылын ойрандап кеткен дүшпанға деген қайтпас кек жатыр ма? Анда-санда шайқалып қойып отырған жігіт жыр

ұдей келе тіктеніп алған. Жырау сінді ғана аңгарды, тотыққан жігіттердің жүздерінде ойнаған жалын көздерінен от бол коріне бастапты.

– Пәлі! пәлі!

– Е, осылай, осылай соқпас болар ма көпірді, – деген дауыстар да шығып қалған.

Айналға қозгалыс кірген. Коселген отпен бірге аспаңға көтерілген жалын жырдың рухына қосылып, сарбаздарды тіпті әруақтандырып жібергендей. Қаны қызбалаша жастар жағы бір отырып, бір тұрып, кейде жырау дауысына қосылып қалып та жатыр. Үнсіз отырған Кенесары хан ғана. Қыбыр еткен жок. Сол малдасын құрып, бір қолына он сегіз өрім дырау қамшысын ұстаған қалпы. Сұсты жүзіне сөл күлкі ғана үйрілді.

Хан да, өзі де от басына жата кеткен. Ғаша арасынан сығалаған күн нұрымен ояниды. Ханның қашан тұрып кеткесін байқамапты:

Тұшіркенген үйқы жоқ, қайғының асқан зорлығы, дегенінді естігем, – хан құлді. Сірә, қазақ қолының қалың ортасына келген соң мейірініз толып жатқаныңыз болар.

– Ханың қорғаның болса, ел азбайды, көшің колікті болса, жер тозбайды деген бар ғой, соған саялық, – деген Шортекен.

Ертеңгілік асқа Кенесары хан әскерінің басшы-батырларынан он шакты адам жиналған. Әуслі Шортекен жырлаган “Заркүм” согысынан алған әсерлері сез болып отырды да, оның соңы әскери кенеске қарай ұласты. Ағыбай батыр әскердің бүтінгі жай-күйін, қай жақтан тағы қанша адамның қосылатынын, қару-жарақ жағдайын баяндап өтті.

– Әскердің тамақтан тарықпау жағдайы қатты ескерілсін, – деп түйді хан.

– Қару жағы аздау. Елден қосылғандарда сойылдан басқа қару жоқ.

– Қылыш согуды қолдан келгенше үлғайту қажет. Оған қажетті тәмірдің жоғын да білемін. Бірақ, бізге бөрібір ешкім әкеліп бермейді. Оны да өзіміз табуымыз қажет. Мынау башқұрт, татар ағайындармен жасырын байланысты әлі де осы мақсат үшін пайдалана береміз. Олар бізге тілеулес халық, бірақ ішінде орыс толып отырған соң тыри

сте алмайды. Ендігі бір бізге қажетті сала – зенбіректерді көбейту. Бізге Бұхар әмірі беріп тұрган зенбіректер өте аз, әрі қуаты да шамалы. Ал өзбек ағайындарының бары осы ғана, басқаға шамасы келмейді. Сонда да отты қару ретінде соның өзіне мұқтажбыз. Оның үстінен жау ойламаған жерден шыға келіп, ұрыс салатын біздің әскер үшін түйесге тендей салып, жүріп кететін осындай зенбіректер қажет-ақ, – деп түйіндеген хан.

– Ендігі бест алысымыз, – деп сұрады Иман батыр.

– Міне, бұл жөнінен ақыл қосайык. Сіздерді сол үшін жинап отырмын.

Батырлар бір-біріне қарады. “Осылай етейік” дей қоятындары болса да, әрқайсысын соным дұрыс бола қояр ма екен деген күдік билегендей. Қашқынбай жөткірінді. Бәрі соған қараган.

– Енді не тоқтам? Мына Қызылжарды алмаймыз ба?

– Біздің қорғанысымыздың өзі шабуыл. Сел ақкан сайын ғана жылғалар қосылып, қүшсіе түседі. Біз де сондаймыз, – деп Иман батыр ұсынысты қолдайтынын анғартты.

– Ақмоланы өртке орап, дұшпанды ыстаған тұлкідей қуып шықтық. Осы қарқынды жоғалтпасақ, орысты тұре айдал шығамыз, – Қашқынбайдың сөзін көпшілігі қолдайтындағы гүілдессіп, қозғалқасты. Ағыбай үнсіз, қоңқаштау мұрнын саумалай үстап, төмен қараган қалпы.

– Ал, көсе, сен не дейсін? – Хан құрдасы Ағыбайды “көсе” деп атай беруші еді. Бұған өзінің де, жүрттың да құлағы үйренген. Ағыбай хан жүзіне ойланған қарап барып, ойын ортаға салды.

– Әрине, біз дұшпанмен шайқасу үшін, ұл-қызымызды қорлыққа салдырмау үшін атқа қондық. Талай шайқаста жігіттердің білегі де, жүргегі де сыннан өтті.

– Бірақ.., – батыр айнала жүртты шола қарады.

– Иә, бірақ, – деп дегбірсізденді Иман батыр.

– Бірақ, Қызылжар Ақмола емес. Ақмоланың бекінісі нашарлау кала болса, Қызылжар мұздай қару құрсанған қала. Оны аламыз деп жүргіміз шайлығып қалуы мүмкін.

– Бұл қалай? – деп танданды Иман батыр. – Біз қазір Қызылжардың түбінде тұрмыз. Сонда осы жерден қайтпақпаз ба? Онда неменссінен атқа қондық. Үйге барып, қатын-балаға не дейміз? Ал, арттарынды түре беріндер, ертең орыс келіп дүре соғады дейміз бс?

— Мен дәл осы шақта өзіміздің Қызылжарды алуға мүмкіндігіміздің жоғын айттым. Қөзіміз тірі тұрганда бір қазактың басына дүре салдырmasпыз. Ағыбай айтқанынан қайтпастың реңін танытып, жүгініп отыра кетті.

— Сонда өзі қалай бол кетті? Өгіз өлмейтін, арба сынбайтын жол бар ма? — Қашқынбайдың жүзі күрсектіп, алақанын жайды. Хан Кесе дауысын кенеді:

— Жырау, оқығаның да жеткілікті, ішкі Ресей, татарбашқұр жерін аралап, көргенің мен түйгесін де көп, сіз не дер едіңіз?

Кенесіп отырғандардың бәрі жырауға аңтарыла қарасты. Қебінің жүзінде мысқыл бомаса да, өлең-жырды кәсіп еткен кісі не айта кояр дейсің деген пікір тұрған. Шортекен де мұны жазбай таныды.

— Қолдың жағдайың, соғыс мәсслесін тер төгіп жүрген мына батырлардан артық білем дес өрексл. Шіркін, баяғы заман бол, қолдағы қарумен тырысатын болса, қазактың тап осы қолы Ресей түгілі батысты басып өтіп, көк тенізден көсіп су ішер еді.

— Мінс, тенсөу.

— Айтсаң, осылай айт.

— Қөпті көрген көсем болады деген осы, — десіп отырғандар риза бол қалды.

— Тоқтамай соғысу керек деген Иман батырдың ұсынысына да қосыламын. Бірақ.., Шортекен тыныстап, отырғандарға көз қырын салды. Бірақ, алышбасты алам деп ұтасылып қалмайық деген Ағыбай батырдың айтқаны да дұрыс.

— Сонда не айтпақсыз? — деп Қашқынбай қызууланды.

— Біздің мақсатымыз — мұжықтың шабата киген табанынан слімізді де, жерімізді де корғап қалу. Осы үшін сіздер жан алып, жан беріп жүрсіздер. Бізбен соғысып жүрген орыс әскерінің оннан бір бөлігі ғана. Орыс — орман дегенді менен бүрын Бұқар жырау айтып кеткен, олардың санынан түңілген Ресейдің ішкі жағы толған қала. Олардың көбі біз көрген Ташкент, Бұхардан әлдекайда үлкен. Сол қалалардың бәрінде иін тірессен зауыт бар. Бірі оқ-дәрі жасаса, бірі мылтық, тағы-тағылары зенбірек, әскерге қажетті неше түрлі бүйім шығарады. Соның бәрін мына біздің сойыл ұстаған қазақ қолына қарсы тогіп жіберсе не болатынын шамалап көріңіздер. Шортекен кілт тоқтаған. Отырғандарды үнсіз тыныштық биледі.

– Иә, сүмдүк екен. – деп Иман батыр алғаш тіл қатты.
– Шортеке, сізге сол еді арапатып көрсектен де бір Алла шығар. Сол сапарыңыз да исі қазақ үшін болар. Соғыс ісін білмессіз де әлемнен хабардарсыз. Білім деген жол ашады. Ендігі тоқтамышың не?

– Шайқаспасак тағы болмайды, – деп Шортекең көвшілікке қарады.

– Не боп кетті өзі? – Қашқынбай жалтақ-жалтақ қарады. Манадан үнсіз тындаған Ағыбай батыр да таңдана басын көтерді.

– Сонда қалай?

– Бұл қай бұлталак, – деген дауыстар естіліп қалған.

– Өмір... Өмір сондай бұлталак. Сөзін бөлмендер, – деп Кенесары қабағын туїді.

– Атылып жазым етер жолбарыстай шиыршық атып, дүшпаниң әлсіз жерін соққылай бергенде жөн дер едім. Үзбей шайқаса жүріп, елге тиімді бітім мәселесін де қоса жүргізсе болар еді.

– Мінс, сөз, – деп қалды Ағыбай.

– Егер шайқаса жүріп тіземізді батыра жүрмессек, дүшпан біржола басқа шығып алады. Бұл дүшпанды тап қазір осы күшімізben қиратып тастаймын деуге болмайды.

Жұрт дуылдастып кетті. Дуылдастан жұртты Ханның дауысын кенегені тоқтатты.

– Менің көңілімдегіні айттың, Шортеке. – Хан бір ауырлық иғынан түскендей тағы жеткірінді. – Білімнің аты – білім, оқығаның жөні бөлск. Сол мол білімді халқының бір пайдасы үшін жұмсай білгенмен ғанибет не бар дейсің. Ресей патшасына біз наразы бол жатқанда, сіз өз бетіңізбен Ресейдің ішін арапап, сліме не пайдам тисді дегенді пайымдаған екенсіз. Пайғамбар үрпағы, сізге, осыны бізге айттырып отырған да аруақ болар.

– Солай-ая, өзі.

– Қисыны келіп түр ғой.

– Қисынға тоқтаған жөн. – Кенесары сөзін жалғады. – Мен осы жолға жарты әлемді алып жатқан Ресейді шалқасынан түсіріп, жүргегін суырып алам деп түскен жоқпын. Халқымды қорлықтан қалай сақтаймын, өз жерімізге өзіміз қалай ис боламыз, анау жердің арғы бетіндегі әмірқандарға ұқсан жергілікті халықты қырғынға қалай да ұшыратпас үшін арпалыс жолды қаладым. Кешегі

Алтын Орда Ресейді билеген, орыстың кінәздары Алтын Ордага келіп кетуді мәртебе, бақыт санаған. Сол Алтын Орданы котерген халыктың бүгінгі үрпағын көріп, дұшпан мазак етпесін дедім. Әрі-беріден соң, келер үрпак “неге кан тогіспеді, неге бізді құлдыққа тастап кетті” деп нальып, лағынет айтпасын дедім.

Хан Кене сонуге айналған оттың жылт-жылт еткен шоғына қарап, бір сәт үнсіз қалған. Ханның тоқтамын күткен басқалары да төмен қаасты.

– Иман батыр, сенің срлік жолды ұсынғаныңа да дән ризамын.

– Ләббай, таксыр, – Иман батыр басын изеді.

– Ағыбай батыр, сенің қауіп пен қатерді, озіміздің күшшамамызды сарапаған, соны ескеріп отырып айтқан пікіріңе де тәнтімін.

– Өлсек біргеміз, хан ием.

– Ескери істен алыс жатса да, көрген-білгені көп. Өмірді сарапал, дұрыс болжам-топшылау жасап, көрсендік көрееткен Шортанбай жырауға баршамыздың атымыздан ризалық айтқанды жөн көрдім.

– Дұрыс, дұрыс-ақ, – десті басқалары.

– Шыныңызды айтыңызы, әскери кенесте пікір айтуға жүрексінген жоксыз ба? – деді Хан құлімдеп.

– Қазақтың ханының алдында отырмын гой, болса болар, – деген жырау да. Абылай хан кеткеннен бері осы жүрттың бір-біріне деген өштігі мен қастығын бір сабага сыйғызып, басын қосып, жауға қарсы тік түрғыза білген бүл адамға деген Шортекеңнің сый-құрметі бөлек еді.

– Кенесары хан дүниеден өткеннен бергі уақытта Шортекеңнің бүл маңға ат ізін салғаны да осы еді. Қалын елдің ішінде іздел барып, жағдайын көрсем, сол арқылы дұшпанның тізесі қабыргасына батқан жүрттың қайғысын танысада деген ауыл да бар еді. Кенесары жорығынан да, түү сонау Саржанның ту көтерген тұсынан да көп бұрын осы жаққа Арқадан бір ауыл көшіп келіп орналасқан-тын. Түбі Тама Бурахан дегеннің ауылы Нұраның бастауы тұсындағы жерін тастап кеткенін жүрт құні бүгінге дейін аныз қылады. Анызға сенсек, Бураханның Шерукес деген көркіне ел сүйсінген, ақылына ауыл риза қызы болған екен. Сол ару қыз әлдебір жігітке ғашық скен деседі. Қазақтың ата жолымен Шеруkenі бала кезінен айттырып қойса керек.